

C'est l'ordre qui a este te-

NU A LA NOUVELLE ET IOYEUSE
entrée, que treshault, trefexcellēt, & trespuisſar Prince,
le Roy trefchrestien Henry deuzieme de ce nom, à fai-
ſte en ſa bonne ville & cité de Paris, capitale de ſon
Royaume, le ſezieme iour de Iuin M. D. XLIX.



On les vend à Paris chez Iacques Roffet diſt le Faul-
cheur, en la rue Geruais Laurés, à l'enſeigne du ſouf-
flet pres ſaincte Croix en la cité.

PAR PRIVILEGE DV ROY.

*R. Henry II
King of France*

*A Paris chez Iacques Roffet
diſt Geruais Laurés
à l'enſeigne du ſoufflet*

Deuât l'Eglise du Sepulchre qui est aussi en ladiète rue saint Denys, y auoit vne merueilleuse aiguille trigonale, portant loixante dix piez en hauteur depuis son rez de chauffée, non cōprins en ce l'empietement qui estoit dedans terre plus de sept piez en profond, la structure & composition de laquelle merite bié d'estre aucunement celebrée. A ceste cause ie dy que sur sondict rez de chauffée elle estoit circuye d'un stilobate ou piedestal de neuf piez & demy de hault, portant vingt en longueur, sur toisé & demie de large, painct en tous les quatre costez de pierres fainctes de porphyre, iaspe, serpentine, & autres, que l'antiquité a grandement recomandées, & que nous tenons encores au iourd'uy en grand pris, à raison de leur naïue beauté, laquelle toutesfois n'empeschoit que ces faces ou costez ne feussent enrichiz des armes du Roy & de la Royne, enuironnez de chapeaux de triumphe, ensemble de Croissans, doubles H H, & autres chiffres de sa maiesté, qui diaproyent les brodures tout à l'entour, & augmentoyent grandement la bonne grace de la besongne.

Dessus le plan de ce petron posoit la figure d'un animal d'Ethiopie nommé Rhinoceros, en couleur descorce de buys, armé d'escailles naturelles, ennemy mortel de l'elephant, & qui de faict le tue en singulier combat, nonobstant qu'il ne soit pas du tout si hault, mais bien egal en sa longueur. chose que son ouurier ayant considérée, luy donna dixhuit piez de descendue, sous vnze de montée. Et au milieu du dos luy appliqua vne bastine bien affermie de deux sangles, surquoy cest animal sembloit porter ce qui surmontoit de l'aiguille, laquelle estoit en toutes ces trois faces enrichie de compartimés

dorez sur le fons de porphyre. Et en la principale y auoit vn grand quarré cōtenant les veuz des Parisiēz en hieroglyphes, que ie reciteray apres auoir prealablement dit que tout au feste de ceste aiguille, sur vn globe doré, fut plantée vne Frāce de dix piez en haulteur, armée à l'antique, reuestue d'une togue Imperiale azurée & semée de fleurs de lis, faisant contenāce de remettre son espée au fourreau, comme victorieuse de plusieurs animaux cruels & sauages, qui gisoient detrenchez & morts desloubz le ventre de ce Rhinoceron. A la verité on y pouoit veoir des lyons, des ours, des sangliers, des loups, des regnars & autres telles bestes rauissantes fouldroyées du triple foudre partant du globe seruant de marchepié à ceste seconde Bellona, pour signifier aussi confirmation de veuz, & lequel estoit les flammes tout au long des faces du trigone sacré. Chose qu'il faisoit merueilleusement bon veoir: & encores qui est plus à considerer, ceste France auoit pour son mot, *QVOS EGO*, Puis pour la cōsecration de l'aiguille en vn quarré estoit escript de lettre d'or sur fons d'azur,

HENRICO II. REGI P. F. A. P. P.

ADVENTVS NOVI ERGO,
CIVES LVETIANI VOVERVNT.

D. D. Q.

ANNO M. D. XXXVIII.

Au bas de l'aiguille pres le doz du Rhinocero, estoit escript en Grec, *ΑΑΒΤΙΧΑΚΟΖ*, qui vault autāt à dire comme en domtant les monstres, ou mauuais.

